

ছবি ও গান।



রবীন্দ্রনাথ ঠাকুর

প্রণীত।



কলিকাতা


আদি ব্রাহ্মসমাজ যন্ত্রে

শ্রী কালিদাস চক্রবর্তী দ্বারা

মুদ্রিত ও প্রকাশিত।

কালীন ১৮০৫ শক।

মূল্য ১ এক টাকা।



উৎসর্গ ।

গত বৎসরকার বসন্তের ফুল লইয়া
এ বৎসরকার বসন্তে মালা গাঁথিলাম ।

যাঁহার নয়ন-কিরণে প্রতিদিন প্রভাতে এই
ফুলগুলি একটি একটি করিয়া ফুটিয়া উঠিত,
তাহারি চরণে ইহাদিগকে উৎসর্গ করিলাম ।

বিজ্ঞাপন।

এই গ্রন্থে প্রকাশিত ছোট ছোট কবিতাগুলি গত বৎসরে লিখিত হয়। কেবল শেষ তিনটি কবিতা পূর্ব্বকার লেখা, এই নিমিত্ত তাহারা কিছু স্বতন্ত্র হইয়া পড়িয়াছে।

ছন্দের সম্বন্ধে কিছু বলা আবশ্যক। এই পুস্তকের কোন কোন গানে ছন্দ নাই বলিয়া মনে হইতে পারে, কিন্তু বাস্তবিক তাহা নহে। যে সকল পাঠকের কান আছে, তাঁহারা ছন্দ খুঁজিয়া লইবেন, দেখিতে পাইবেন বাঁধাবাঁধি ছন্দ অপেক্ষা তাহা শুনিতে মধুর;—হসন্ত বর্ণকে অকারান্ত করিয়া পড়িলে কোন কোন স্থলে ছন্দের ব্যাঘাত হইবে।

গ্রন্থকার

সূচীপত্র ।

বিষয়			পৃষ্ঠা ।
হুঁহ	...	...	১
কে	...	...	২
স্বথ স্বপ্ন	...	...	৫
জাগ্রত স্বপ্ন	..	...	৭
দোলা	...	..	১০
একাকিনী	..	...	১৫
গ্রামে	...	...	১৭
আদরিণী	...	...	১৯
খেলা	...	...	২২
হুম	...	...	২৫
বিদায়	...	...	২৭
বিরহ	...	...	৩০
স্বপ্নের স্মৃতি	...	...	৩২
যোগী	...	...	৩৫
পাগল	...	...	৩৯
মাতাল	...	...	৪২
বাদল	...	...	৪৫
আর্তস্বর	...	...	৪৭
স্মৃতি-প্রতিমা	...	...	৫১

বিষয়		পৃষ্ঠা ।
আবছাষা	...	৫৬
আচ্ছন্ন	...	৫৯
স্নেহময়ী	...	৬২
বাহুর প্রেম	...	৬৭
মধ্যাহ্নে	...	৭৩
পূর্ণিমা	...	৮১
পোড়ো বাড়ি	...	৮৪
অভিমানিনী	...	৮৬
নিশীথ জগৎ	...	৮৮
নিশীথ-চেতনা	...	৯৬
অভিসার	...	১০২

ছবি ও গান।



ছুঁছুঁ।

(ব্রজভাষা ।)

মিশ্র বেহাগ ।

আজু সখি মুহু মুহু,
গাহে পিক কুহু কুহু,
কুঞ্জ বনে ছুঁছুঁ ছুঁছুঁ
দৌহার পানে চায় ।

যুবন-মদ-বিলসিত,
পুলকে হিয়া উলসিত,
অবশ তনু অলসিত
মুরছি জহু যায় !

আজু মধু চাঁদনী
প্রাণ-উনমাদনী,
শিখিল সব বাঁধনি,
শিখিল ভয়ি লাজ ।

বচন মুহু মরমর,
কাঁপে বিক থরথর
শিহরে তহু জবজর
কুসুম-বন মাঝ !

মলয় মুহু কলযিছে,
চরণ নাহি চলযিছে,
বচন মুহু থলযিছে,
অঞ্চল লুটায় !
আধ ফুট শতদল,
বায়ুভাবে টলমল,
অঁথি জহু ঢলঢল
চাহিতে নাহি চায় !

অলকে ফুল কাঁপয়ি
কপোলে পড়ে কাঁপয়ি,
মধু অনলে তাপয়ি
থসয়ি পড়ু পায় !
কবই শিবে ফুলদল,
যমুনা বহে কলকল,
হাসে শশি ঢলঢল
ভাষু মরি যায় !

কে ?

মিশ্র কালাংড়া ।

আমাব প্রাণের পবে চলে গেল কে
বসন্তের বাতাস টুকুর মত !
সে যে ছুঁয়ে গেল হুয়ে গেল রে
ফুল ফুটিয়ে গেল শত শত !

সে চলে গেল, বলে গেল না,
সে কোথায় গেল ফিবে এল না,
সে যেতে যেতে চেয়ে গেল,
 কি যেন গেয়ে গেল,
তাই আপন মনে বসে আছি
 কুসুম বনেতে !

সে চেউয়েব মত ভেসে গেছে,
 চাঁদের আলোর দেশে গেছে,
 যেথেন দিয়ে হেসে গেছে
 হাসি তার রেখে গেছে রে,
 মনে হল অঁখির কোণে
 আমায় যেন ডেকে গেছে সে !

আমি কোথায় যাব কোথায় যাব,
ভাবতেছি তাই একলা ব'সে !

সে চাঁদের চোখে বুলিয়ে গেল
ষুমের ঘোর !

সে প্রাণের কোথা ছলিয়ে গেল
ফুলের ডোর ।

সে কুসুম বনের উপর দিয়ে
কি কথা যে বলে গেল,
ফুলের গন্ধ পাগল হয়ে
সঙ্গে তাবি চলে গেল !
হৃদয় আমার আকুল হল,
নয়ন আমার মুদে এল,
কোথা দিয়ে কোথায় গেল সে !

সুখ স্বপ্ন ।

মিশ্র খান্সাজ ।

ওই জানালাব কাছে বসে আছে
করতলে বাথি মাথা ।
তার কোলে ফুল পড়ে রয়েছে
নে যে ভুলে গেছে মালা গাঁথা ।
শুধু বুক বুক বায়ু বহে যায়
তাব কানে কানে কি যে কহে যায়,
তাই আধ' শুয়ে আধ' বসিয়ে
কত ভাবিতেছে আন মনে !
উড়ে উড়ে যায় চুল,
কোথা উড়ে উড়ে পড়ে ফুল,
কিবা বুক বুক কাঁপে গাছপালা
সমুখের উপবনে ।
অধবের কোণে হাসিটি
আধখানি মুখ ঢাকিয়া,
কাননের পানে চেয়ে আছে
আধ মুকুলিত আঁখিয়া !
স্বদূর স্বপন ভেসে ভেসে
চোখে এসে যেন লাগিছে,

ছবি ও গান ।

যুমঘোরময় স্নুথের আবেশ
 প্রাণের কোথায জাগিছে !
 চোখের উপরে মেঘ ভেসে যায়,
 উড়ে উড়ে যায় পাখী,
 সারাদিন ধ'বে বকুলের ফুল
 ঝ'রে পড়ে থাকি থাকি !
 মধুর আলস, মধুর আবেশ,
 মধুব মুখের হাসিটি,
 মধুব স্বপনে প্রাণের মাঝারে
 বাজিছে মধুব বাঁশিটি !

জাগ্রত স্বপ্ন ।

আজ একেলা বসিয়া, আকাশে চাহিয়া,

কি সাধ যেতেছে, মন !

বেলা চলে যায়—আছিল কোথায় ?

কেন্ স্বপনেতে নিমগন ?

বসন্ত বাতাসে আঁখি মুদে আসে,

মৃদু মৃদু বহে শ্বাস,

গায়ে এসে যেন এলায়ে পড়িছে

কুসুমের মৃদুবাস !

যেন সুদূর নন্দন-কানন-বাসিনী

স্বথ-সুম-ধোরে মধুব-ভানিনী,

অজানা প্রিয়ার ললিত পরশ

ভেসে ভেসে বহে যায়,

অতি মৃদু মৃদু লাগে গায় !

বিস্মরণ মোহে অঁধারে আলোকে

মনে পড়ে যেন তায়,

স্মৃতি-আশা-মাথা মৃদু স্তখে স্তখে

পুলকিয়া উঠে কায় !

কিমি আমি যেন সুদূর কাননে,

সুদূর আকাশ তলে,

আনমনে যেন গাহিয়া বেড়াই
 সরঘুর কলকলে !
 গহন বনের কোথা হতে শুনি
 বাঁশির স্বর-আভাস,
 বনের হৃদয় বাজাইছে যেন
 মরমের অভিলাষ !
 বিভোর হৃদয়ে বুঝিতে পারিনে
 কে গায় কিসের গান !
 অজানা ফুলের সুরভি মাখান'
 স্বরসুধা করি পান !

যেনরে কোথায় তরুর ছায়ায়
 বসিয়া রূপসী বালা,
 কুসুম-শয়নে আধেক মগনা,
 বাকল বসনে আধেক নগনা,
 সুখ দুখ গান গাহিছে শুইয়া
 গাঁথিতে গাঁথিতে মালা !
 না জানি সে বালা কারে ভালবাসে,
 কার ছবি তার নয়নেতে ভাসে,
 কোন্ প্রণয়ীর স্মৃতি আশা নিয়ে
 আনমনে করে খেলা,

কোন্ পুরুষের হাসি অশ্রু দিয়ে
 মরমে গাঁথিছে মালা !
 ছায়ায় আলোকে, নিব্বরের ধারে,
 কোথা কোন্ গুপ্ত গুহার মাঝাবে,
 যেন হেথা হোথা কে কোথায় আছে
 এখনি দেখিতে পাব,
 যেনরে তাদের চরণের কাছে
 বীণা লয়ে গান গাব !
 শুনে শুনে তারা আনত নয়নে
 হাসিবে মুচুকি হাসি,
 সরমের আভা অধরে কপোলে
 বেড়াইবে ভাসি ভাসি ।
 জোছনা-বিমল কোমল করেতে
 লইয়া কুসুম থানি,
 কেহ কাছে এসে করিবে বীজ্ঞন
 হেলায়ে মৃণাল পাণি !
 কেহ বা গাহিবে গান,
 কুসুম করিবে দান,
 কেহ ফুল পাত্রে কুল-সুধা ভরি
 আমাদের করাবে পান !
 মাথায় বাঁধিয়া ফুলের মালা
 বেড়াইব বনে বনে !

উড়িতেছে কেশ উড়িতেছে বেশ
 উদাস পরাণ কোথা নিকুদেশ,
 হাতে ল'য়ে বাঁশি, মুখে ল'য়ে হাসি,
 ভ্রমিতেছি আনমনে !
 চারিদিকে মোর বসন্ত হসিত,
 যৌবন-কুসুম প্রাণে বিকশিত,
 কুসুমের পরে ফেলিব চরণ,
 যৌবন মাধুরী ভরে !—
 চারিদিকে মোর মাধবী মালতী
 সৌরভে আকুল করে !

কেহ কি আমারে চাহিবে না ?
 কাছে এসে গান গাহিবে না ?
 পিপাসিত প্রাণে চাহি মুখ পানে
 কবে না প্রাণের আশা ?
 চাঁদের আলোতে, বসন্ত বাতাসে,
 কুসুম কাননে বাঁধি বাহুপাশে
 সরমে সোহাগে মৃদু মধু হাসে
 জানাবে না ভালবাসা ?
 আমার যৌবন-কুসুম-কাননে
 ললিত-চরণে বেড়াবে না ?

আমার প্রাণের লতিকা বাঁধন
চরণে তাহার জড়াবে না ?
আমার প্রাণের কুসুম গাঁথিয়া
কেহ পরিবে না গলে ?
তাই ভাবিতেছি আপনার মনে
বসিয়া তরুর তলে !

দোলা।

ঝিকিমিকি বেলা !
 গাছের ছায়া কাঁপে জলে,
 সোনার কিরণ করে থেলা !
 ছুটিতে দোলার পরে দোলেবে,
 দে'খে রবির অঁখি ভোলেবে !
 রবি পাতার আড়ালে উঁকি ঝুঁকি মে'রে
 হুকিয়ে হুকিয়ে চায়,
 তার কিরণ-বেখা মেহের মত
 পড়েছে দৌহার গায় !

গাছের ছায়া চারিদিকে আঁধার করে রেখেছে
 লতাগুলি অঁচল দিয়ে ঢেকেছে।
 ফুল ধীরে ধীরে মাথায় পড়ে,
 পায়ে পড়ে, গায়ে পড়ে,
 থেকে থেকে বাতাসেতে বুরু বুরু পাতা নড়ে
 নিরালসকল ঠাই,
 কোথাও সাড়া নাই,
 শুধু নদীটি বহে যায় বন্য ছায়া দিয়ে,
 বাতাস ছুঁয়ে যা, শহর শিহরিয়ে !

হুটিতে ব'সে ব'সে দোলে.
 বেল। কোথায় গেল চলে,
 পাখীরা এল ঘরে,
 কত যে গান কবে,
 হুটিতে ব'সে ব'সে দোলে !
 হের, সুধামুখী মেয়ে
 কি চাওয়া আছে চেয়ে
 মুখানি থুয়ে তার বুকে !
 কি মারা মাথা চাঁদ মুখে !

হাতে তার কাঁকন হুগাছি,
 কানেতে হুলিছে তার হুল,
 হাসি-হাসি মুখখানি তার
 ফুটেছে নাঁকের জুঁই ফুল !
 গলেতে বাহু বেঁধে
 হুজনে কাছাকাছি,
 হুলিছে এলোচুল
 হুলিছে মালা গাছি !

কারো মুখে কথা নেই, শুধু মুখে মুখে চায়,
 শুধু ব'সে ব'সে দোলে বেল। যে চ'লে যায় !
 আধেক হাসির খেলা চোখে চোখে ঝিকিমিকি ;
 মধুর স্মৃতির আভা অধরেতে মারে উঁকি !

অঁধার ঘনাইল,
 পাখীরা ঘুমাইল,
 সোনার রবি-আলো আকাশে মিলাইল !
 মেঘেরা কোথা গেল চলে,
 হুজনে ব'সে ব'সে দোলে ।
 ঘেসে আসে বুকে বুকে,
 মিলায়ে মুখে মুখে
 বাহুতে বাঁধি বাহুপাশ,
 স্তম্ভীরে বহিতেছে শ্বাস !
 মাঝে মাঝে থেকে থেকে
 আকাশেতে চেয়ে দেখে,
 গাছের আড়ালে ছুটি তারা ।
 প্রাণ কোথা উড়ে যায়,
 নেই তারা পানে ধায়,
 আকাশের মাঝে হুম হারা !
 পৃথিবী ছাড়িয়া যেন তারা
 ছুটিতে হয়েছে ছুটি তারা !

একাকিনী ।

একটি মেয়ে একেলা,

সাঁঝের বেলা,

মাঠ দিয়ে চলেছে ।

চারিদিকে সোনার ধান ফলেছে !

ও কাঁদের মেঘে গো !

ও কোথায় যায় চলে ।

দেখি,

কাছে গিয়ে দেখি !

ও'রে

ভুলে নিই কোলে ।

ওব

মুখেতে পড়েছে সাঁঝে আভা,

চুলেতে করিছে ঝিকি ঝিকি !

কে জানে কি ভাবে মনে মনে

আন মনে চলে ঝিকি ঝিকি !

পশ্চিমে সোনায়ে সোনাময়,

এত সোনা কে কোথা দেখেছে !

ভারি মাঝে মলিন মেয়েটি

কে যেনবে এঁকে রেখেছে !

ওব

মুখখানি কেনগো অমন ধারা,

যেন

কোন্ খেনে হয়েছে পথ হারা !

ক্বারে যেন কি কথা শুধাবে,

শুধাইতে ভয়ে হয় সারা !

চরণ চলিতে বাধে বাধে
 শুধালে কথাটি নাহি কয় ।
 বড় বড় আকুল নয়নে
 শুধু মুখপানে চেয়ে রয় !
 নয়ন করিছে ছল ছল,
 এথনি পড়িবে যেন জল !

সাঁঝেতে নিরালা সব ঠাঁই,
 মাঠে কোথাও জনপ্রাণী নাই—
 দূরে—অতি দূরে দেখা যায়,
 মলিন সে সাঁঝের আলোতে
 ছায়া ছায়া গাছপালাগুলি
 মেশে মেশে মেঘের কোলেতে !
 একেলা মেয়েটি চলে যায়
 কি জানি কি বাঁধা আঁচলেতে !
 বড় তোর বাঙ্জিতেছে পায়,
 আয়রে আমাব কোলে আয় ।
 আ-মরি জননী তোর কে !
 বল্বে কোথায় তোর ঘর ।
 তরাসে চাহিস্ কেনরে !
 আমারে বাসিস্ কেন পর ?

গ্রামে ।

নবীন প্রভাত-কনক-কিবণে,
 নীববে দাঁড়ায়ে গাছগালা,
 কাঁপে মুছ মুছ কি যেন আবামে,
 বায়ু বহে যায় স্রুধা-ঢালা !
 নীল আকাশেতে নাবিকেল তরু,
 ধীবে ধীরে তাব পাতা নড়ে,
 প্রভাত আলোতে কুঁড়ে ঘব গুলি,
 জলে ঢেউগুলি ওঠে পড়ে !
 দুয়াবে বসিয়া তপন কিবণে
 ছেলেবা মিলিয়া কবে খেলা,
 মনে হব সব(ই) কি যেন কাহিনী
 শুনেছি কোন ছেলেবেলা !
 প্রভাতে যেনবে ঘবের বাহিবে
 সে ক লেব পানে চেখে আছি,
 পুৰাতন দিন হোথা হতে এনে
 উড়ি।ে বডায় কাছাকাছি !
 ঘব দ্বার দল মায়াছায়া সম,
 কাহিনীতে গাঁথা খেলা-ধূলি,
 মধুব তপন, মধুব পবন
 ছবি মন কুঁড়ে গুলি ।

কেহবা দোলায় কেহবা দোলে
 গাছতলে মিলে কবে মেলা,
 বাঁশি হাতে নিয়ে রাখাল বালক
 কেহ নাচে, গায়, করে খেলা !
 এমনি যেনবে কেটে যায দিন,
 কারো যেন কোন কাজ নাই,
 অসম্ভব যেন সকলি সম্ভব,
 পেতেছে যেনবে যাহা চাই !
 কেবলি যেনবে প্রভাত তপনে,
 প্রভাত পবনে, প্রভাত স্বপনে,
 বিবামে কাটায় আবামে বুমায
 গাছপালা, বন, কুঁড়ে গুলি !
 কাহিনীতে ঘেরা ছোট গ্রামখানি,
 মাযাদেবীদের মায়া রাজধানী,
 পৃথিবী বাহিবে কলপনা ভীবে
 কবিছে যেনবে খেলা ধূলি !

আদরিণী ।

একটু খানি সোনার বিন্দু, একটু খানি মুখ,
 একা একটু বনফুল ফোটে ফোটে হয়েছে,
 কচি কচি পাতার মাঝে মাথা থুসে বয়েছে ।
 চারদিকে তাব গাছেব ছায়া, চারদিকে তাব নিস্কৃতি,
 চারদিকে তাব ঝোপে ঝোপে আঁধার দিয়ে ঢেকেছে,
 বনের সে যে স্নেহেব ধন আদরিণী মেয়ে,
 তা'বে বুকেব কাছে হুকিয়ে যেন বেখেছে ।

একটু খানি কপেব হাসি আঁধাবেতে ঘুমিয়ে আলা,
 বনের মেহ শিয়বেতে জেগে আছে !
 সুরমার প্রাণটুকু তাব কিছু যেন জানে না,
 চোখে শুধু স্নেহেব স্বপন লেগে আছে ।
 একটু যেন ববিব কিবণ ভোবেব বেলা বনের মাঝে
 খেলাতে ছিল নেচে নেচে,
 নিবালাতে গাছেব ছায়ে, আঁধাবেতে শ্রান্তকাষে
 সে যেন ঘুমিয়ে পড়েছে !
 বনদেবী করুণ-হিষে তাবে যেন কুড়িষে নিষে
 যতন কবে বেখেছেবে আপন ঘবেতে !
 থুসে কোমল পাতার পবে মায়েব মত স্নেহ ভরে
 ছোঁয় ভারে কোমল করেতে !

ধীরি ধীরি বাতাস গিয়ে আসে তারে দোলা দিয়ে,
 চোখেতে চুম' খেয়ে যায় !
 ঘুরে ফিরে আশে পাশে বারবার ফিরে আসে,
 হাতটি বুলিয়ে দেয় গায় !

একলা পাখী গাছের শাখে কাছে তোর ব'সে থাকে,
 সারা দুপুর বেলা শুধু ডাকে,
 যেন তার আব কেহ নাই, সারাদিন একলাটি তাই
 স্নেহ ভরে তোর নিয়েই থাকে ।
 ও পাখীর নাম জানিনে, কোথায় ছিল কে তা' জানে !
 রাতের বেলায় কোথায় চলে যায় ।
 দুপূর্ববেলা কাছে আসে, সারাদিন ব'সে পাশে
 একটি শুধু আদবের গান গায় ।

রাত্রে কত তারা ওঠে, ভোবের বেলা চলে যায়
 তোরেত কেউ দেখে না জানে না,
 এককালে তুই ফি'লি যেন ওদেরি ঘবের যেয়ে,
 আজকে র তুই অজানা অচেনা ।
 নিভি দেখি রাত্রে বেলা একটি শুধু জোনাই আসে,
 আলো ফি'য়ে মুখপানে তোর চায় !
 কে জানে সে কি যে করে । তারা-জন্মের কাহিনী তোর
 কানে বকি স্বপন দিয়ে যায় !

ভোরের বেলা আলো এল, ডাক্‌চেরে তোর নামটি ধরে -
 আজকে তবে মুখখানি তোর তোল,
 আজকে তবে আঁখিটি তোর খোল,
 লতা জাগে, পাখী জাগে, গায়েব কাছে বাতাস লাগে,
 দেখিরে—ধীরে ধীরে দোল, দোল, দোল।

সমাপন ।

ফুলটি ববে গেছে রে !
 বুঝি সে উষাব আলো উষাব দেশে চলে গেছে !
 শুধু সে পাখীটি,
 মুদিয়া আঁখিটি
 সারাদিন একলা ব'সে গান গাহিতেছে !
 প্রতিদিন দেখত যাবে আব ত তারে দেখতে না পায়,
 তবু সে নিভিয়া আসে গাছেব শাখে,
 সেই খেনেতেই ব'সে থাকে,
 সারাব দিন সেই গানটি গায়,
 সন্ধ্য হলে কোথায় চলে যায় !

খেলা ।

ছেলেতে মেয়েতে কবে খেলা,
ঘাসেব পবে, সাঁকেব বেলা ।

ঘোব ঘোব গাছেব তলে তলে,
ফাঁকায পড়েছে মলিন আলো,
কোথাও যেন সোনার ছায়া ছায়া,
কোথাও যেন আঁধার কালো কালো !
আকাশের ধাবে ধাবে ঘিবে,
বসেছে বাঁজা মেঘেব মেলা,
শ্যামল ঘাসেব পবে, সাঁকে,
আলো-আলো আঁধাবেব মাঝে,
ছেলেতে মেয়েতে কবে খেলা !

ওবা যে কেন হেসে সাঁতা,
কেন যে কবে অমন ধাবা,
কেন যে লুটোপুটি,
কেন যে ছুটোছুটি,
কেন যে আফ্লাদে কুটকুটি !
কেহ বা ঘাসে গড়ায,
কেহ বা নেচে বেড়ায,

সাঁঝের সোনা-আকাশে
 হাসির সোনা ছড়ায় !
 আঁখি দুটি নৃত্য কবে,
 নাচে চুল পিঠেব পরে,
 হাসি গুলি চোখে মুখে হুকোচুরি খেলা করে !
 ধেন মেঘেব কাছে ছুটি পেয়ে
 বিদ্যুতেরা এল ধয়ে,
 আনন্দে হুববে আপন-হারা !
 ওদের হাসি দেখে খেলা দেখে,
 আকাশেব একধারে থেকে
 মুহু মুহু হাস্চে একটি তারা !

ঝাউগাছে পাতাটি নড়ে না,
 কামিনীর পাপড়িটি পড়ে না !
 আঁধার কাকেব দল
 সাক্ষ করি কোলাহল,
 কালো কালো গাছের ছায়,
 কে কোথায় মিশায়ে যায়—
 আকাশেতে পাখীটি ওড়ে না !
 নাড়াশব্দ কোথায় গেল,
 নিব্বুম হয়ে এল এল
 গাছ পাল বন আঁয়ের আশে পাশে ।

শুধু খেলার কোলাহল,
 শিশু-কণ্ঠের কলকল,
 হাসির ধ্বনি উঠেছে আকাশে !

কত আর খেল্‌বি ও রে !
 নেচে নেচে হাতে ধ'রে
 যে যাব্ ঘরে চলে আয় ঝাট,
 অঁধার হ'য়ে এল পথ ঘাট ।
 লক্ষ্যাদীপ জ্বল ঘরে
 চেয়ে আছে তোদের তরে,
 তোদের না হেরিলে মা-র কোলে,
 ঘরের প্রাণ কাঁদে সজ্জ হলে !

যম ।

যুমিয়ে পড়েছে শিশু গুলি,
খেলা ধূলা সব গেছে ভুলি !

ধীরে নিশীথের বার
আসে খোলা জানালায়,
যুম এনে দেয় আঁখি-পাতে,
শয্যায় পায়ের কাছে
খেলেনা ছড়ান' আছে,
যুমিয়েছে গেলাতে খেলাতে ।
এলিয়ে গিয়েছে দেহ,
মুখে দেবতাব স্নেহ
পড়েছেরে ছায়ার মতন,
কালো কালো চুল তার
বাতাসেতে বার বার
উড়ে উড়ে ঢাকিছে বদন ।
তারার আলোর মত
হাসি গুলি আসে কত,
আঁখি' খোলা অধরেতে তার
চুম খেয়ে যায় কত বার !

সারাবাত স্নেহ-সুখে
 তাবাগুলি চায় মুখে,
 যেন তারা করি গলাগলি,
 কত কি যে কবে বলাবলি !
 যেন তাবা অঁচলেতে
 অঁধারে আলোতে গঁথে
 হাসি-মাখা সুখের স্বপন,
 ধীবে ধীবে স্নেহ ভবে
 শিশুর প্রাণের পরে
 একে একে কবে বরিষণ !

কাল যবে রবিকরে
 কাননেতে থরে থবে
 ছুটে ছুটে উঠিবে কুসুম,
 ওদেরো নয়ন গুলি
 ফুটিয়া উঠিবে খুলি,
 কোথায় মিলায়ে যাবে শুম !
 প্রভাতেব আলো, আগি,
 যেন খেলাবার লাগি
 ওদের আগায়ে দিতে চায়,
 আলোতে ছেলেতে ফুলে
 এক সাথে অঁখি খুলে
 প্রভাতে পাখীতে গান গায় !

ছবি ও গান ।

বিদায় ।

সে যখন বিদায় নিয়ে গেল,
(তখন) নবমীর চাঁদ অস্তাচলে যায় !
গভীর রাতি, নিঝুম চারিদিক,
আকাশেতে তারা অনিমিত্ত,
ধরণী নীরবে ঘুমায় !

হাত দুটি তার ধ'রে দুই হাতে,
মুখের পানে চেয়ে সে রহিল,
কাননে বকুল তরুতলে
একটি সে কথা না কহিল !
অধরে প্রাণের মলিন ছায়া,
চোখের জলে মলিন চাঁদের আলো,
যাবার বেলা দুটি কথা ব'লে
বন-পথ দিয়ে সে চ'লে গেল !

ঘন গাছের পাতার মাঝে আঁধার পাখী গুটিয়ে পাখা,
তারি উপর চাঁদের আলো গুয়েছে,
ছায়াগুলি ঝলিয়ে দেহ আঁচলখানি পেতে যেন
গাছের তলায় ঘুমিয়ে রয়েছে !

গভীর রাতে বাতাসটি নেই ; নিশীথে সরসীর জলে
কাঁপেনা বনের কালো ছায়া,
সুম যেন ঘোমটা-পরা ব'সে আছে ঝোপেঝোপে,
প'ড়চে ব'সে কি যেন এক মায়া !

চুপ্ ক'রে হেলে সে বকুল গাছে,
রমণী একেলা দাঁড়িয়ে আছে ।
এলোথেলো চুলের মাঝে বিষাদ-মাথা সে মুখখানি
চাঁদের আলো পড়েছে তার পরে,
পথের পানে চেয়ে ছিল, পথের পানেই চেয়ে আছে,
পলক নাই তিলেকের তরে !
গেলরে কে চ'লে গেল, ধীরে ধীরে চলে গেল
কি কথা সে বলে গেল হায় !
অতি দূর ভরুর ছায়ে মিশায়ে কে গেল রে,
রমণী দাঁড়ায়ে জোছনায় !
অসীম জগতের মাঝে আশা তার হারান্নে গেল,
আজি এই গভীর নিশীথে,
শূন্য অন্ধকার খানি, মলিন মুখটি নিয়ে
দাঁড়িয়ে রহিল এক ভিত্তে !

পশ্চিমের আকাশ সীমার
চাঁদখানি অন্তে যায় যায় !

ছোট ছোট মেঘগুলি শাদা শাদা পাখা তুলি
চলে যায় তাঁদের চুমো নিয়ে,
অঁধার গাছের ছায় ডুবুডুবু জোছনায়
মানমুখী রমণী দাঁড়িয়ে !

বিরহ।

ধীরে ধীরে প্রভাত হল, আঁধার মিলায়ে গেল
উষা হাসে কনক বরণী,
বকুল গাছের তলে, কুসুম রাশির পরে,
বসিয়া পড়িল সে রমণী !
আঁখি দিয়ে ঝরঝরে অশ্রুবারি ঝরে পড়ে
ভেঙ্গে যেতে চায় যেন বুক,
রাজা রাজা অধর জুটি কেঁপে কেঁপে ওঠে কত,
করতলে সক্রণ মুখ !
অরুণ আঁখির পরে, অরুণের আভা পড়ে,
কেশপাশে অরুণ লুকাই,
ছুই হাতে মুখ ঢাকে কার নাম ধরে ডাকে,
কেন তার সাড়া নাহি পায় !
বহিছে প্রভাত বায় আঁচল লুটিয়ে ধায়,
মাথায় বরিয়ে পড়ে ফুল,
ডালপালা দোলে ধীরে, কাননে সরসী তীরে
ফুটে ওঠে মল্লিকা মুকুল !
পা-স্থানি ছড়াইয়া পূরবের পানে ঢেয়ে,
ললিতে প্রাণের গান গায় ।

গাহিতে গাহিতে গান, সব যেন অবসান,
যেন সব-কিছু ভুলে যায় !
প্রাণ যেন গানে মিশে, অনন্ত আকাশে মাঝে
উদাসী হইয়ে চলে যায়,
বসে বসে শুধু গান গায় !

সুখের স্মৃতি ।

চেয়ে আছে আকাশের পানে
 জোছনার আঁচলটি পেতে,
 যত আলো ছিল সে চাঁদের
 সব যেন পড়েছে মুখেতে !
 মুখে যেন গ'লে পড়ে চাঁদ,
 চোখে যেন পড়িছে ষুমিয়ে,
 স্নকোমল শিথিল আঁচলে
 প'ড়ে আছে আরামে চুমিয়ে ।
 একটি মুণাল-করে মাথা,
 আরেকটি পড়ে আছে বুক,
 বাতাসটি ব'হে গিয়ে গায়
 শিহরি উঠিছে অতি সুখে !
 হেলে হেলে ভুয়ে ভুয়ে লতা
 বাতাসেতে পায়ে এসে পড়ে,
 বিষয়ে মুখের পানে চেয়ে
 ফুলগুলি ছলে ছলে নড়ে ।
 অতি দূরে বাজে ধীরে বাঁশি
 অতি সুখে পরাণ উদাসী,
 অধরেতে স্থলিত-চরণ
 মদির হিলোলময়ী হাসি ।

কে যেনরে চুমো খেয়ে ভারে
 চ'লে গেছে এই কিছু আগে ;
 চুমোটিরে বাঁধি ফুল হাবে
 অধবেতে হাসিব মাঝাবে,
 চুমোতে চাঁদেব চুমো দিবে
 বেগেছে বে যতনে সোহাগে ।
 ভাই সেই চুমোটিবে ঘিবে
 হাসিগুলি সাবা বাত জাগে ।
 কে যেন বে ব'সে তাব কাছে
 গুণ গুণ ক বে ব'লে গেছে
 মধুমাখা বাণী কানে কানে,
 পবাণের কুম্ভ কাবার,
 কথাগুলি উড়িয়ে বেডায়,
 বাহিবিতে পথ নাহি জানে !
 অতি দূব বাঁশরীব গানে
 সে বাণী জড়িষে যেন গেছে,
 অবিরত স্বপনেব মত
 ঘুরিষে বেড়ায় কাছে কাছে ।
 মুখে নিয়ে সেই কথা ক'টি
 খেলা করে উলটি পালটি,
 আপনি আপন বাণী শুনে
 সবমে স্মৃথেতে হয় সারা,

কার মুখ পড়ে তাঁর মনে,
 কার হাসি লাগিছে নয়নে,
 স্মৃতির মধুর ফুলবনে

কোথায় হ'য়েছে পথহারী !
 চেরে তাই সুনীল আকাশে,
 মুখেতে তাঁদের আলো ভালে,
 অবসান গান আশে পাশে
 ভ্রমে যেন ভ্রমরের পারা !

যোগী ।

পশ্চিমে ডুবেছে ইন্দু,
 সম্মুখে উদার সিঙ্কু
 শিল্পোপরি অনন্ত বিমান,
 লক্ষ্যমান জটাজুটে,
 যোগীবব করপুটে
 দেখিছেন সূর্য্যেব উত্থান !
 উলঙ্গ সুদীর্ঘকায়,
 বিশাল ললাট ভায়
 মুখে তাঁর শান্তির বিকাশ,
 শূন্যে অঁাখি চেয়ে আছে,
 উদার বুকের কাছে
 থেলা কবে সমুদ্র বাতাস ।
 চৌদিকে দিগন্ত মুক্ত,
 বিশ্ব চরাচর স্তম্ভ,
 তারি মাঝে যোগী মহাকাশ,
 ভয়ে ভয়ে চেউগুলি,
 নিয়ে যায় পদধূলি,
 ধীরে আসে ধীরে চলে যায় ।

মহা স্তব্ধ সব ঠাঁই,
 বিধে আর শব্দ নাই
 কেবল সিঁদুর মহা তান,
 যেন নিধু ভক্তি ভরে,
 জ্বলদ গভীর স্বরে
 তপনের কবে স্তব গান ।

আজি সমুদ্রের কূলে,
 নীরবে নমুদ্র ছলে
 হৃদয়ের অতল গভীরে
 অনন্ত সে পারাবার,
 ডুবাইছে চাবিধাব,
 ঢেউ লাগে জগতের তীরে ।
 যোগী যেন চিত্তে লিখা,
 উঠিছে রবির শিখা
 মুখে তারি পড়িছে কিরণ,
 পশ্চাতে ব্যাপিয়া দিশি,
 ভাসসী ভাপসী নিশি
 ধ্যান করে মুদিয়া নয়ন !
 শিবের জটার পরে
 যথা সুরধুনী ঝরে
 তারা-চূর্ণ রজতের শ্রোতে,

তেমনি কিরণ নুটে
 সন্ন্যাসীর জটাঝুটে
 পূরব-আকাশ-সীমা হোতে ।
 বিমল আলোক হেন,
 ব্রহ্মলোক হ'তে যেন
 করে তাঁর ললাটের কাছে,
 মর্ত্যের তামসী নিশি,
 পশ্চাতে যেতেছে মিশি
 নীরবে নিস্তব্ধ চেয়ে আছে ।
 হৃদয় সমুদ্র নীরে,
 অসীম আঁধার তীরে
 একটুকু কনকের রেখা,
 কি মহা রহস্যময়,
 সমুদ্রে অরুণোদয়
 আভাসের মত যায় দেখা ।
 চরাচর ব্যগ্র প্রাণে,
 পূরবের পথ পানে
 নেহারিছে সমুদ্র অতল,
 দেখ চেয়ে মরি মরি,
 কিরণ-মৃণাল পরি
 জ্যোতির্ধর কনক কমল ।

দেখ চেয়ে দেখ পূবে,
 কিরণে গিয়েছে ভূবে
 গগনের উদার ললাট,
 সহসা সে ঋষিবর
 আকাশে ভুলিয়া কর
 করিয়া উঠিল বেদ পাঠ ।

পাগল ।

আপন মনে বেড়ায় গান গেয়ে,
 (গান কেউ শোনে, কেউ শোনে না !)
 ঘুরে বেড়ায় জগৎ-পানে চেয়ে
 (তারে কেউ দেখে, কেউ দেখে না !)
 সে যেন গানের মত প্রাণের মত শুধু
 সৌরভের মত উড়ছে বাতাসেতে,
 আপনারে আপনি সে জানে না,
 তবু আপনাতে আপনি আছে যেতে !

হরষে তার পুলকিত গা,
 ভাবের ভরে টলমল পা,
 কে জানে কোথায় যে সে চায়
 আঁখি তার দেখে কি দেখে না !
 লতা তার গায়ে পড়ে,
 কুল তার পায়ে পড়ে,
 নদীর মুখে কুলুকুলু রা' !
 গায়ের কাছে বাতাস করে বা' !
 সে শুধু চ'লে যায়,
 মুখে কি ব'লে যায়,
 বাতাস গ'লে যায় ওনে !

স্বমুখে আঁখি রেখে,
চ'লেছে, কোথা যে কে
কিছু সে নাহি দেখে শোনে !

যেথেন দিয়ে যায় সে চ'লে সেথায় যেন ঢেউ খেলে যায়,
বাতাস যেন আকুল হয়ে ওঠে,
ধরা যেন চরণ ছুঁয়ে শিউরে ওঠে শ্যামল দেহে
লতায় যেন কুসুম ফোটে ফোটে ।
বসন্ত তার সাড়া পেয়ে সখা ব'লে আসে ধেয়ে,
বনে যেন ছুইটি বসন্ত,
ছুই সখাতে ভেসে চলে ঘোবন-সাগরের জলে
কোথাও যেন নাহিরে তার অন্ত !
আকাশ বলে এস এস, কানন বলে ব'স বস,
সবাই যেন নাম ধ'রে তার ডাকে !
হেসে যখন কয় সে কথা মুচ্ছা যায়রে বনের লতা,
লুটিয়ে ভুঁয়ে চুপ্ করে সে থাকে ।
বনের হরিণ কাছে আসে সাথে সাথে ফিরে পাশে
স্তব্ধ হয়ে দাঁড়ায় দেহ ছায় ।
পায়ের কাছে পড়ে লুটি, বড় বড় আঁখি দুটি
ভুলে ভুলে মুখের পানে চায় ।
আপ্না-ভোলা সরল হাসি, ঝরে পড়চে রাশি রাশি,
আপ্নি যেন জান্তে নাহি পায় !

লতা তারে আটকে বেখে তারি কাছে হাস্তে শেখে,
 হাসি যেন কুসুম হয়ে যায় !
 গান গায় সে সাঁঝের বেলা মেঘগুলি তাই ভুলে খেলা
 নেমে আস্তে চায়রে ধরা পানে,
 একে একে সাঁঝের তারা গান শুনে তার অবাক পারা,
 আর সবাবে ডেকে ডেকে আনে !
 (সে) আপ্নি মাতে আপন স্বরে আর সবারে পাগল করে,
 সাথে সাথে সবাই গাছে গান,
 জগতের যা কিছু আছে সব ক্লে দেয় পায়ের কাছে
 প্রাণের কাছে খুঁজে দেয় সে প্রাণ !

তোরাই শুধু শুল্লিনেরে কাথায় ব'সে রৈলি যে রে,
 দ্বারের কাছে গেল গয়ে গয়ে
 কেউ তাহাবে শুল্লিনেতে চেয়ে !
 গাইতে গাইতে চলে গেল কতদূর সে চলে গেল,
 গানগুলি তার হাবিয়ে গেল বনে
 ছুয়ার দেওয়া তে দেব পাষণ মনে !

মাতাল।

বুঝিবে,

চাঁদের কিরণ পান ক'রে, ওর ঢুলু ঢুলু হুটি অঁথি,
কাছে ওর যেওনা,
কথাটি শুধায়ো না,
ফুলের গন্ধে মাতাল হয়ে, বঁসে আছে একাকী।

যুমেব মত মেয়ে গুলি
চোখের কাছে ছলি ছলি
বেড়ায় শুধু হুপু রণ-রণি !
আধেক মুদি অঁথির পাতা,
কার সাথে যে ক'ছে কথা,
শুন্চে কাহার মুহু মধুর ধ্বনি !
অতি সুদূর পরীর দেশে—
সেথেন থেকে বাতাস এসে
কানের কাছে কাহিনী শুনায়।
কত কি যে মোহমায়া,
কত কি যে আলো ছায়া,
প্রাণের কাছে স্বপন ঘনায় !

কাছে ওর যেওনা
কথাটি শুধায়োনা,
যুমের মেয়ে তবাস পেয়ে যাবে,
মুহু প্রাণে প্রমাদ গণি,
নুপুবগুলি বণ-রনি
চাঁদেব আলোয় কোথায় কে লুকাবে ।

চল দূবে নদীতীরে,
ব'সে সেথা ধীরে ধীরে.
একটি শুধু বাঁশবী বাজাও ।
আকাশে হাসিবে বিধু
মধুকণ্ঠে মুহু মুহু
একটি স্নেহেব গান গাও ।
দূব হতে পশি কানে
পশিবে প্রাণেব প্রাণে
স্বপনেতে স্বপন ঢালিয়ে !
ছায়াময়ী মেঘগুলি
গীত-স্রোতে হুলি হুলি,
ব'সে র'বে গালে হাত দিয়ে !

গাহিতে গাহিতে ভূমি বালা
 গৈথে রাখ' মালতীর মালা !
 ও যখন ঘুমাইবে গলায় পরায়ে দিবে
 স্বপনে মিশিবে ফুল বাস !
 ঘুমন্ত মুখের পরে চেয়ে থেকো প্রেম ভরে
 মুখেতে ফুটিবে মৃদু হাস !

বাদল ।

একলা ঘবে ব'সে আছি, কেউ নেই কাছে,

সারাদিন মেঘ ক'রে আছে ।

সারাদিন বাদল হল,

সারাদিন বুষ্টি পড়ে,

সারাদিন বইচে বাদল বায় ।

মেঘের ঘাটা আকাশ ভরা,

চাবিদিক অঁধার-করা,

তড়িৎ-রেখা ঝলক মেবে যায় !

শ্যামল বনের শ্যামল শিরে,

মেঘের ছায়া নেমেছে রে,

মেঘের ছায়া কুঁড়ে ঘবের পরে,

ভান্ধাচোরা পথের ধারে,

ঘন বাঁশ বনের পরে,

মেঘের ছায়া ঘনিয়ে যেন ধরে !

বিজন ঘরে বাতায়নে,

সারাদিন আপনমনে,

ব'সে ব'সে বাইরে চেয়ে দেখি,

টুপু টুপু বৃষ্টি পড়ে,
 পাতা হতে পাতায় পড়ে,
 ডালে বাসে ভেজে একটি পাখী ।
 পুকুরে, জলের পরে,
 বৃষ্টি বারি নেচে বেড়ায়,
 ছেলেরা মেতে বেড়ায় জলে,
 মেয়েগুলি কলসী নিয়ে,
 চলে আসে পথ দিয়ে,
 মাঝে মাঝে দাঁড়ায় গাছের তলে ।

কে জানে কি মনে আশ,
 উর্দ্ধে ধীরে দীর্ঘ-শ্বাস,
 বায়ু উঠে খসিয়া খসিয়া ।
 ডালপাল হাহা কবে
 বৃষ্টি-বিন্দু ঝরে পড়ে
 পাতা পড়ে খসিয়া খসিয়া !

আৰ্ত্তস্বর ।

শ্রাবণে গভীর নিশি,
 দিগ্বিদিক আছে মিশি,
 মেঘেতে মেঘেতে ঘন বাঁধা,
 কোথা শশি, কোথা তারা,
 মেঘারণ্যে পথহাবা
 আঁধারে আঁধারে সব আঁধা !
 জলন্ত বিদ্যুৎ অহি
 ক্ষণে ক্ষণে রহি রহি
 অন্ধকারে কবিছে দংশন ।
 কুন্তকর্ণ অন্ধকার
 নিদ্রা টুটি বার বাব
 উঠিতেছে কবির গর্জন ।
 শূন্নে যেন স্থান নাই,
 পরিপূর্ণ সব ঠাঁই,
 সুকঠিন আঁধার চাপিয়া,
 বড় বহে, মনে হয়,
 ও যেন রে বড় নয়,
 অন্ধকার হুলিছে কাঁপিয়া !

মাঝে মাঝে থর হর
 কোথা হতে মর মর
 কেঁদে কেঁদে উঠিছে অরণ্য।
 নিশীথ-সমুদ্রে মাঝে
 জল জন্তু সম রাজে
 নিশাচর যেন রে অগণ্য!
 কে যেন বে মুহুমূর্ছ,
 নিশ্বাস ফেলিছে হুহু,
 হু হু কবে কেঁদে কেঁদে ওঠে,
 সুদূর অবণ্য তলে
 ডাল পালা পায় দ'লে
 আর্তনাদ ক'রে যেন ছোটো!
 এ অনন্ত অন্ধকারে
 কে রে সে, খুঁজিছে কাবে,
 তন্ন তন্ন আকাশ-গহ্বর।
 তা'রে নাহি দেখে কেহ
 শুধু শিহরায় দেহ
 শুনি তাব তীত্র কণ্ঠস্বর!
 তুই কিরে নিশীথিনী
 অন্ধকারে অনাথিনী
 হারাইলি জগতেরে তোর,

অনন্ত আকাশ পরি
 ছুটিস্নরে হাহা করি,
 আলোড়িয়া অন্ধকার ঘোর !
 তাই কিরে থেকে থেকে
 নাম ধ'রে ডেকে ডেকে
 জগতেরে করিস্ আহ্বান ।
 শুনি আজি তোর স্বর,
 শিহরিত কলেবর
 কাঁদিয়া উঠিছে কার প্রাণ !
 কে আজি রে তোব সাথে
 ধরি তোর হাতে হাতে
 খুঁজিতে চাহিছে যেন কারে !
 মহাশূন্যে দাঁড়াইষে,
 প্রান্ত হতে প্রান্তে গিয়ে,
 কে চাহে কাঁদিতে অন্ধকারে !
 অঁধাবেতে অঁধি ফুটে
 ঝটিকার পবে ছুটে
 তীক্ষ্ণ শিখা বিদ্যুৎ মাড়ারে,
 হুহু করি নিশ্বাসিয়া
 চ'লে যাবে উদাসিয়া
 কেশ পাশ আঁকাশে ছড়াবে ।

উলঙ্গিনী উন্মাদিনী,
 কাটকার কণ্ঠ জিনি
 তীর কণ্ঠে ডাকিবে তাহারে,
 সে বিলাপ কেঁপে কেঁপে
 বেড়াবে আকাশ ব্যোপে
 ধ্বনিবে অনন্ত অন্ধকারে !
 ছিঁড়ি ছিঁড়ি কেশ পাশ
 কভু কামা, কভু হাস
 প্রাণ ভরে করিবে চীৎকার,
 বজ্র আলিঙ্গন দিয়ে
 বুকে তোরে জড়াইয়ে
 ছুটিতে গিয়েছে সাধ তার !

স্মৃতি-প্রতিমা ।

আজ কিছু কবিব না আর,
 সমুখেতে চেয়ে চেয়ে
 গুন্ গুন্ গেয়ে গেয়ে
 ব'সে ব'সে ভাবি একবার !
 আজি বহু দিন পরে
 যেন সেই দ্বিপ্রহরে
 সে দিনের বায়ু ব'হে যায়,
 হা রে হা শৈশব মায়া,
 অতীত প্রাণের ছায়া,
 এখনো কি আছিহু হেথায় ?
 এখনো কি থেকে থেকে
 উঠিস্বে ডেকে ডেকে,
 লাড়া দিবে সে কি আর আছে ?
 যা' ছিল তা আছে সেই,
 আমি যে সে আমি নেই
 কেনরে আসিস্ মোর কাছে ?
 কেনরে পুরাণ' স্নেহে
 পরাণের শূন্য গেছে
 দাঁড়ায়ে মুখের পানে চাস্ ?

অভিমানে ছল' ছল'
 নয়নে কি কথা বল',
 কেঁদে ওঠে হৃদয় উদাস ।
 আছিল যে আপনার
 সে বুঝি নাই আর !
 সে বুঝি হ'য়ে গেছে পব,
 তবু সে কেমন আছে,
 শুধাতে আসিস্ কাছে,
 দাঁড়িয়ে কাঁপিস্ থর্ থর্ !
 আয়রে আয়রে অয়ি,
 শৈশবের স্মৃতিময়ী,
 আয় তোর আপনার দেশে,
 যে প্রাণ আছিল তোরি
 তাহারি ছয়ার ধরি
 কেন আজ ভিথারিণী বেশে !
 আঙুলি ধীরি ধীরি
 বার বার চাস্ ফিরি,
 সংশয়েতে চলে না চরণ,
 ভরে ভরে মুখ পানে
 চাহিস্ আকুল প্রাণে,
 স্নান মুখে না সরে বচন !

দেহে যেন নাহি বল,
 চোখে পড়ে-পড়ে জল,
 এলোচুলে, মলিন বসনে ;
 কথা কেহ বলে পাছে
 ভয়ে না আসিস্ কাছে,
 চেয়ে র'স আকুল নয়নে !
 সেই ঘর, সেই দ্বার,
 মনে পড়ে বার বার
 কত যে করিলি খেলাধুলি,
 খেলা ফেলে গেলি চ'লে,
 কথাটি না গেলি ব'লে,
 অভিমানে নখন আকুলি !
 যেথা যা গেছিলি রেখে,
 ধুলায় গিয়েছে ঢেকে,
 দেখ্‌রে তেমনি আছে পড়ি,
 সেই অশ্রু, সেই গান,
 সেই হাসি, অভিমান,
 ধুলায় যেতেছে গড়াগড়ি !
 তবে রে বাবেক আয়,
 বসি হেথা পুনরাব,
 ধুলি মাখা অতীতের মাঝে,

শূন্য গৃহ জন হীন
 প'ড়ে আছে কত দিন,
 আব হেথা বাঁশি নাহি বাজে !
 কেন তবে আশিষিনে,
 কেন কাছে বসিষিনে
 এখনো বাসিস্ যদি ভাল,
 আশ বে ব্যাকুল প্রাণে
 চাই ছু মুখ পানে
 গোধূলিতে নিভ-নিভ' আলো ।
 নিভিছে সাজেব ভাতি,
 আশিছে আঁধার বাতি,
 এখনি ছাইবে চাবি ভিতে,
 রজনীর অন্ধকাবে,
 মরণ সাগর পারে
 কেহ কাবে নাবিব দেখিতে !
 আকাশের পানে চাই,
 চন্দ্র নাই, তারা নাই,
 একটু না বহিছে বাতাস,
 শুধু দীর্ঘ—দীর্ঘ নিশি,
 চুজনে আঁধারে মিশি—
 শুনিব দোহার দীর্ঘশ্বাস !

একবার চেয়ে দেখি,
 কোন্ খেনে আছে যে কি,
 কোন্ খেনে করেছিল খেলা,
 শুকান' এ মালাগুলি,
 রাখি রে কণ্ঠেতে তুলি,
 কখন চলিয়া যাবে বেলা !
 আয় তবে আয় হেথা,
 কোলে তোর রাখি মাথা,
 কেশ পাশে মুখ দে'রে ঢেকে,
 বিন্দু বিন্দু ধীরে ধীরে
 অশ্রু পড়ে অশ্রু নীরে,
 নিশ্বাস উঠিছে থেকে থেকে !
 সেই পুরাতন স্নেহে
 হাতটি বুলাও দেহে,
 মাথাটি বুকেতে তুলে রাখি,
 কথা কও নাহি কও,
 চোখে চোখে চেয়ে রও,
 আঁখিতে ডুবিয়া যাক আঁখি !

আবছায়া।

তা'রা সেই, ধীরে ধীরে আসিত,
 মৃদু মৃদু হাসিত,
 তাদের পড়েছে আজ মনে,
 তারা কথাটি কহিত না,
 কাছেতে রহিত না,
 চেয়ে ব'ত নয়নে নয়নে !
 তারা চ'লে যেত আন মনে,
 বেড়াইত বনে বনে,
 আনমনে গাহিত রে গান !
 চুল থেকে ঝ'রে ঝবে
 ফুলগুলি যেত প'ড়ে,
 কেশ পাশে ঢাকিত বয়ান !
 কাছে আমি যাইতাম,
 গানগুলি গাইতাম,
 সাথে সাথে যাইতাম পিছু,
 তারা যেন আন-মনা,
 গুনিতে কি গুনিত না
 বুঝিবারে নারিতাম কিছু !

কতু তারা থাকি থাকি
 আনমনে শূন্য আঁখি
 চাহিয়া রহিত মুখপানে,
 ভাল তারা বাসিত কি,
 হুহু হাসি হাসিত কি,
 প্রাণে প্রাণ দিত কি, কে জানে !
 গাঁথি ফুলে মালাগুলি,
 যেন তা'রা যেত ভুলি
 পরাইতে আমার গলায় !
 যেন যেতে যেতে ধীরে
 চায় তারা ফিরে ফিরে
 বকুলের গাছের ভলায় !
 যেন তারা ভালবেসে
 ডেকে যেত কাছে এসে
 চলে যেতে করিত রে মানা !
 আমার তরুণ প্রাণে
 তাদের হৃদয় থানি
 আধ জানা, আধেক অজানা !

কোথা চলে গেল তা'রা,
 কোথা যেন পথহারা,
 তা'দের দেখিনে কেন আর !

কোথা সেই ছায়া ছায়া
 কিশোর-কল্লনা-মায়া,
 মেঘমুখে হাসিটি উষাব !
 আলোতে ছায়াতে ঘেবা
 জাগরণ স্বপনেবা
 আশেপাশে কবিতবে খেলা,
 একে একে পলাইল,
 শূন্যে যেন মিলাইল,
 বাড়িতে আগিল যত বেলা !

আচ্ছন্ন ।

লতার লাবণ্য যেন কচি কিশলয়ে ঘেবা,
 সুকুমার প্রাণ তাব মাধুরীতে ঢেকেছে,
 কোমল মুকুল গুলি চারিদিকে আকুলিত,
 তাবি মাঝে প্রাণ যেন ছুকিয়ে বেখেছে ।
 ওবে যেন ভাল ক'বে দেখা যায় না,
 অঁাখি যেন ডুবে গিয়া কুল পাষ না !
 সাঁঝের আভা নেমে এল, জ্যোৎস্না পাশে ঘুমিয়ে প'ল,
 ফুলের গন্ধ দেখতে এসেছে,
 তাবাঙলি দিবে ব দেছে ।
 পূববী বাগিনী গুলি দূব হ'তে চ'লে আসে
 ছুঁতে তা'বে হৃষনাক ভবসা,
 কাছে কাছে ফিবে ফিবে, মুখপানে চায় তা'রা,
 যেন তা'বা মধুময়ী ছবাশা,
 স্তম্ভ প্রাণেবে ঘিবে, স্বপ্নগুলি ঘুবে কি ব
 গাঁথে যেন আলোকের কুয়াশা,
 ঢেকে তাবে আছে কত, চারিদিকে শত শত
 অনিমিষ নয়নেব পিষাশ !
 ওদের আড়াল থেকে আব'ছায়া দেখা যায়
 অতুলন প্রাণেব বিকাশ,

সোনার মেঘের মাঝে কচি উষা কোটে-কোটে
পূরবেতে তাহারি আভাস।

আলোক-বসনা যেন আপনি সে ঢাকা আছে
আপনার রূপের মাঝার,
রেখা রেখা হাসি গুলি আশে পাশে চমকিয়ে
রূপেতেই লুকায় আবার।
আঁখির আলোক ছায়া আঁখিরে রয়েছে ঘিবে,
তারি মাঝে দৃষ্টি পথ হারা,
যেথা চলে, স্বর্গ হতে অবিরাম পড়ে যেন
লাবণ্যের পুষ্পবারিধারা !
ধরণীরে ছুঁয়ে যেন পা-ছুথানি ভেসে যায়
কুসুমের স্রোত বহে যায়,
কুসুমেরে ফেলে রেখে খেলা ধূলা ভুলে গিয়ে
মায়ামুগ্ধ বসন্তের বায় !

ওরে কিছু শুধাইলে বুঝিরে নয়ন মেলি
হৃদয় নীরবে চেয়ে রবে,
অভুল অধর দুটি দ্বিধা টুটিয়ে বুঝি
অতি ধীরে দুটি কথা কবে !
আমি কি বুঝি সে ভাষা শুনিতে কি পাব বাণী
সে যেন কিসের প্রতিধ্বনি !

মধুর মোহের মত যেমনি ছুঁইবে প্রাণ
 যুমায়ে সে পড়িবে অমনি !
 হৃদয়ের দূর হতে সে যেনরে কথা কয়
 তাই তার অতি মৃদুস্বর,
 বায়ুর হিলোলে তাই আকুল কুমুদ সম
 কথাগুলি কাঁপে থর থর !

কে ভুমি গো উষাময়ি, আপন কিরণ দিয়ে
 আপনারে করেছ গোপন !
 রূপের সাগর মাঝে কোথা ভুমি ডুবে আছ
 একাকিনী লক্ষ্মীর মতন !
 ধীরে ধীরে ওঠ দেখি, একবার চেয়ে দেখি !
 স্বর্ণ-জ্যোতি কমল-আসন ।
 সুনীল সলিল হতে ধীরে ধীরে উঠে যথা
 প্রভাতের বিমল কিরণ !
 সৌন্দর্য্য কোরক টুটে এসগো বাহির হয়ে
 অল্পম সৌরভের প্রায় !
 আমি তাহে ডুবে যাব সাথে সাথে ব'হে যাব
 উদাসীন বসন্তের বায় !

স্নেহময়ী ।

হাসিতে ভরিয়ে গেছে হাসি মুখখানি,

প্রভাতে ফুলের বনে

দাঁড়িয়ে আপন মনে

মরি মরি, মুখে নাই বাণী !

প্রভাত কিরণগুলি

চৌদিকে যেতেছে খুলি

যেন শুভ্র কমলব দল,

আপন মহিমা লবে

ভাবি মাঝে দাঁড়াইয়ে

কে ভুই, করুণাময়ি, বল !

স্নিগ্ধ ওই ছু-নয়ানে

চাহিলে মুখের পানে

সুধাময়ী শান্তি প্রাণে জাগে,

শুনি যেন স্নেহ বাণী ;

কোমল ও হাতখানি

প্রাণেব গাষেতে যেন লাগে !

তোরে যেন চিনিতাম,

তোর কাছে শুনিতাম

কত কি কাহিনী সঙ্কেবেলা,

যেন মনে নাই, কবে
 কাছে বসি মোরা সবে
 তোর কাছে করিতাম খেলা !
 অতি ধীরে তোর পাশে
 প্রভাতেব বায়ু আসে,
 যেন ছোট ভাইটির প্রায়,
 যেন তোর স্নেহ পেয়ে
 তোর মুখ পানে চেয়ে
 আবার সে খেলাইতে যায় ।
 অমিয়-মাধুরী মাখি
 চেয়ে আছে ছুটি আঁখি,
 জগতের প্রাণ জুড়াইছে,
 ফুলেরা আমোদে মেতে
 হলে ছলে বাতাসেতে
 আঁখি হতে স্নেহ কুড়াইছে !
 কি যেন জ্ঞান গো ভাষা,
 কি যেন দিতেছ আশা,
 আঁখি দিয়ে পরাণ উথলে,
 চারিদিকে ফুলগুলি,
 কচি কচি বাহু তুলি,
 কোলে নাও, কোলে নাও বলে !

কারে যেন কাছে ডাক,
 যেথা তুমি বসে থাক
 তার চারিদিকে থাক তুমি,
 তোমার অপনা দিয়ে
 হাসিময়ী শান্তি দিয়ে,
 পূর্ণ কর চরাচর ভূমি !
 তোমাতে পূরেছে বন,
 পূর্ণ হল সমীরণ.
 তোমাতে পূরেছে লতাপাতা !
 কুল দূরে থেকে চায়
 তোমার পরশ পায়,
 লুটায় তোমার কোলে মাথা !
 তোমার প্রাণের বিভা
 চৌদিকে ছুলিছে কিবা
 প্রভাতের আলোক হিল্লোলে,
 আজিকে প্রভাতে এ কি
 স্নেহের প্রতিমা দেখি,
 ব'সে আছ জগতের কোলে !
 কেহ মুখে চেয়ে থাকে,
 কেহ তোর কাছে ডাকে,
 কেহ তোর কোলে খেলা করে !

ভূমি শুধু স্তব্ধ হয়ে
 একটি কথা না ক'রে
 চেয়ে আছ আনন্দের ভরে !
 ওই যে তোমার কাছে
 সকলে দাঁড়িয়ে আছে
 ওরা মোর আপনার লোক,
 ওরাও আমারি মত
 তোর স্নেহে আছে রত,
 জুঁই বেলা বকুল অশোক !
 বড় সাধ যায় তোরে
 ফুল হয়ে থাকি ঘিরে,
 কাননে ফুলের সাথে মিশে,
 নয়ন কিরণে তোর
 ছলিবে পরাণ মোর,
 সুবাস ছুটিবে দিশে দিশে !
 তোমার হাসিটি লয়ে
 হরষে আকুল হয়ে
 খেলা করে প্রভাতের আলো,
 হাসিতে আলোটি পড়ে,
 আলোতে হাসিটি পড়ে,
 প্রভাত মধুর হয়ে গেল ।

পরশি তোমার কার,
মধুর প্রভাত বার,
মধুময় কুম্বের বান,
ওই দৃষ্টি-সুধা দাও,
এই দিক পানে চাও,
প্রাণে হোক প্রভাত বিকাশ !

রাহুর প্রেম ।

শুনেছি আমারে ভাল লাগে না,
 নাই বা লাগিল তোর,
 কঠিন বাঁধনে চরণ বেড়িয়া,
 চিরকাল তোরে রব অঁকড়িয়া,
 লোহ শৃঙ্খলের ডোর !
 ভুইত আমার বন্দী অভাগিনী,
 বাঁধিয়াছি কাবাগারে,
 প্রাণের শৃঙ্খল দিয়েছি প্রাণেতে
 দেখি কে খুলিতে পারে !

জগৎ মাঝাবে, যেথায় বেড়াবি,
 যেথায় বসিবি, যেথায় দাঁড়াবি,
 কি বসন্ত, শীতে, দিবসে, নিশীথে,
 সাথে সাথে তোর থাকিবে বাজিতে
 এ পাষণ্ড প্রাণ অনন্ত শৃঙ্খল
 চরণ জড়ায়ে ধ'বে,
 একবারে তোরে দেখেছি যখন
 কেমনে এড়াবি মোরে !

চাও নাই চাও, ডাক নাই ডাক,
 কাছেতে আমার থাক নাই থাক,

যাব সাথে সাথে, রব পায় পায়,
 বব গায় গায় মিশি,
 এ বিবাদ ঘোর, এ আঁধার মুখ,
 হতাশ নিশ্বাস, এই ভাঙ্গা বুক,
 ভাঙ্গা বাদ্য সম বাজিবে কেবল
 সাথে সাথে দিবানিশি।

অনন্ত কালের সঙ্গী আমি তোর
 আমি যে বে তোব ছায়া,
 কিবা সে বোদনে, কিবা সে হাসিতে,
 দেখিতে পাইবি কখন পাশেতে,
 কখন সমুখে কখন পশ্চাতে
 আমার আঁধার কাষা ।
 গভীর নিশীথে, একাকী যখন
 বসিয়া মলিন প্রাণে,
 চমকি উঠিয়া দেখিবি তবাসে
 আমিও বয়েছি বসে তোব পাশে,
 চেয়ে তোর মুখ পানে !
 যে দিকেই তুই ফিরাবি বয়ান,
 সেই দিকে আমি ফিরাব নয়ান,
 যেদিকে চাহিবি, আকাশে, আমার,
 আঁধার মুখতি আঁকা,

সকলি পড়িবে আমার আড়ালে,
 জগৎ পড়িবে ঢাকা !
 হৃৎস্পন্দের মত, দুর্ভাবনা সম,
 তোমায়ে বহিব ঘিবে,
 দিবস রজনী এ মুখ দেখিব
 তোমার নয়ন-নীবে !
 বিশীর্ণ-কঙ্কাল চিব-ভিক্ষা সম
 দাঁড়ায়ে সম্মুখে তোব
 দাও দাও ব'লে কেবল ডাকিব,
 ফেলিব নয়ন-লোব !
 কেবলি সাধিব, কেবলি কাঁদিব
 কেবলি ফেলিব শ্বাস,
 কানের কাছেতে, প্রাণের কাছেতে
 করিবরে হা-হতাশ !
 মোর এক নাম কেবলি বসিয়া
 জপিব কানেতে তব,
 কাঁটার মতন, দিবস রজনী
 পায়েতে বিঁধিয়ে বব !
 পূর্ব জনমের অভিশাপ সম,
 রব' আমি কাছে কাছে,
 ভাবী জনমের অদৃষ্টের মত
 বেড়াইব পাছে পাছে !

চালিয়া আমার প্রাণের আঁধার,
 বেড়িয়া বাথিব তোর চারিধার
 নিশীথ রচনা কবি ।
 কাছেতে দাঁড়ায়ে প্রেতের মতন,
 শুধু ছুটি প্রাণী করিব যাপন
 অনন্ত সে বিভাবরী !
 যেনরে অকূল সাগর মাঝারে
 ডুবেছে জগৎ তরী ;
 তারি মাঝে শুধু মোরা ছুটি প্রাণী,
 রয়েছি জড়ায়ে তোব বাহুখানি,
 যুঝিস্ ছাড়াতে ছাড়িব না তবু,
 সে মহা সমুদ্র পরি,
 পলে পলে তোর দেহ হয় ক্ষীণ,
 পলে পলে তোর বাহু বলহীন,
 হৃদয়ে অনন্তে ডুবি নিশিদিন
 তবু আছি তোরে ধরি !
 রোগের মতন বাঁধিব তোমায়ে
 নিদারুণ আগিহনে,
 মোর বাতনায় হইবি অধীর,
 আমারি অনলে দহিবে শরীর,
 অবিরাম শুধু আমি ছাড়া আর
 কিছু না রহিবে মনে !

গভীর নিশীথে আগিয়া উঠিয়া
 সহসা দেখিবি কাছে,
 আড়ষ্ট কঠিন মৃত দেহ মোর
 তোর পাশে শুয়ে আছে !
 ঘুমাবি যখন স্বপন দেখিবি,
 কেবল দেখিবি মোরে,
 এই অনিমেষ তৃষাতুর আঁখি
 চাহিয়া দেখিছে তোরে !
 নিশীথে বসিয়া থেকে থেকে তুই
 শুনিবি আঁধার ঘোরে,
 কোথা হতে এক কাতর উদ্বাদ
 ডাকে তোর নাম ধরে !
 স্তব্ধজন পথে চলিতে চলিতে
 সহসা সভয় গগি,
 সাঁজের আঁধারে শুনিতে পাইবি
 আমার হাসির ধনি !

হের অন্ধকার মরুময়ী নিশা,
 আমার পরাণ হারায়েছে দিশা,
 অনন্ত এ ক্ষুধা, অনন্ত এ তৃষা,
 করিতেছে হাহাকার,

আজিকে যখন পেরেছিরে তোরে,
 এ চির-সামিনী ছাড়িব কি করে ?
 এ ঘোর পিপাসা যুগ যুগান্তরে
 মিটবে কি কভু আর ?
 বৃকের ভিতরে ছুরীর মতন,
 মনের মাকাবে বিষের মতন,
 রোগের মতন, শোকের মতন
 রব আমি অনিবার !

জীবনের পিছে মরণ দাঁড়ায়ে
 আশার পশ্চাতে ভয়,
 ডার্কনীর মত রজনী ভ্রমিছে
 চির দিন ধ'রে দিবসেব পিছে
 সমস্ত ধরণী ময় !
 যেথায় আলোক সেই খানে ছায়া
 এই ত নিয়ম ভবে,
 ও রূপের কাছে চির দিন তাই
 এ ক্ষুধা জাগিয়া রবে !

মধ্যাহ্নে ।

হের ওই বাড়িতেছে বেলা,
ব'সে আমি রয়েছি একেলা !

ওই হোথা যায় দেখা,
সুদূরে বনের বেথা
মিশেছে আকাশ নীলিয়ায় ।
দিক্ হ'তে দিগন্তরে
মাঠ শুধু ধূধু করে,
বায়ু কোথা ব'হে চলে যায় !
সুদূর মাঠের পারে
গ্রামখানি এক ধারে
গাছ দিয়ে ছায়া দিয়ে ঘেরা,
কাননের গায়ে যেন
ছায়াখানি বুলাইয়া
ভেলে চলে কোথার মেঘেরা !
মধুর উদাস প্রাণে
চাই চারিদিক্ পানে,
সুখ সব ছবির মতন,

সব যেন চারিধাবে
 অবশ আলস ভারে
 স্বর্ণময় মায়ায় মগন।
 গ্রাম খানি, মাঠ খানি,
 উঁচুনিচু পথখানি,
 হৃদয়কটি গাছ মাঝে মাঝে,
 আকাশ সমুদ্রে ঘেবা
 সুরবর্ণ দীপেব পাবা
 কোথা যেন সুদূবে বিবাহে।
 কনক-লাবণ্য ল'য়ে
 যেন অভিভূত হয়ে
 আপনাতে আপনি স্মায়,
 নিম্ন পাদপ লতা,
 শ্রান্তকায় নীববতা
 শুয়ে আছে গাছের ছায়ায়।
 শুধু অতি মৃদুস্ববে
 গুন্ গুন্ গান কবে
 যেন সব ধুমন্ত ভ্রমব,
 যেন মধু খেতে খেতে
 ঘুমিয়েছে কুসুমিতে
 মরিয়া এসেছে কণ্ঠস্বব।

নীল শূন্যে ছবি আঁকা,
 রবির কিরণ মাথা,
 সেথা যেন বাস কবিত্তেছি,
 জীবনের আধখানি
 যেন ভুলে গেছি আমি
 কোথা যেন ফেলিযে এসেছি !
 আনমনে ধীরে ধীরে
 বেড়াতেছি ফিবি ফিবি,
 যুমঘোর ছায়ার ছায়ায়,
 কোথা যাব কোথা যাই
 সে কথা যে মনে নাই,
 ভুলে আছি মধুর মায়ায় !
 মধুর বাতাসে আজি
 যেনবে উঠিছে বাজি
 পরাণের যুমন্ত বীণাটি,
 ভালবাসা আজি কেন
 সঙ্গীহার পাখী যেম
 বসিয়া গাহিছে একেলাটি !
 কে জানে কাহারে চায়,
 প্রাণ যেন উভরায়
 ডাকে কারে “এস এস” বলে,

কাছে কারে পেতে চায়,
 সব তারে দিতে চায়,
 মাথাটি রাখিতে চায় কোলে !
 স্তব্ধ তরুতলে গিষা
 পা-ছাখানি ছড়াইয়া,
 নিমগন মধুময় মোহে,
 আনমনে গান গেয়ে
 দূব শূন্যপানে চেয়ে
 বুমায়ে পড়িতে চায় দৌহে !
 দূব মবীচিকা সম
 ওই বন উপবন,
 ওবি মাঝে পরাগ উদাসী,
 বিজ্ঞন বকুল তলে
 পল্লবের মবমবে,
 নাম ধ'বে বাজাইছে বাঁশি ।
 সে যেন কোথায় আছে,
 স্তদূর বনের কাছে
 কত নদী সন্মুদ্রের পাবে ।
 নিভৃত নির্বব তীবে
 লতায় পাতায় ঘিবে
 বসে আছে নিকুঞ্জ আঁধারে ।

সাধ যায় বাঁশি করে
 বন হতে বনান্তরে
 চলে যাই আপনাব মনে,
 কুসুমিত নদী তীবে
 বেড়াইব ফিবে ফিবে,
 কে জানে কাহাব অশেষণে ।
 সহসা দেখিব তাবে,
 নিমেষেই একেবারে
 প্রাণে প্রাণে হইবে মিলন ।
 এই মবীচিকা দেশে
 দুজনে বাসব বেশে
 ছায়াবাজ্যে কবির ভ্রমণ !
 বাঁধিবে সে বাহুপাশে
 চোখে তার স্বপ্ন ভাসে
 মুখে তার হাসিব মুকুল !
 কে জানে কুকব কাছে
 আঁচল আছে না আছে
 পিঠেতে পড়েছে এলোচুল !
 মুখে আধখানি কথা
 চোখে আধখানি কথা
 আধখানি হাসিতে জড়ান',

ভুজনেতে চ'লে যাই
কে জানে কোথায় চাই
পদতলে কুসুম ছড়ান' !

বুঝিবে এমনি বেল।
ছায়ায় কবিত খেলা
তপোবনে ঋষি বালিকারা,
পরিষা বাকল বাস,
মুখেতে বিমল হাস
বনে বনে বেড়াইত ভাবা ।

হবিণ শিশুবা এসে
কাছেতে বসিত ঘেঁসে
মালিনী বহিত পদতলে,
ছ-চাবি সখীতে মেলি
কথা কব হাসি খেলি
তরুতলে বসি কুতূহলে ।

কাবো কোলে কাবো মাথা,
সরল প্রাণেব কথা
নিবালায় কহে প্রাণ খুলি,
ভুকিষে গাছের আড়ে
সাধ যায় শুনিবারে
কি কথা কহিছে মেয়ে গুলি ।

লতার পাতার মাঝে,
 ঘাসের ফুলের মাঝে
 হরিণ-শিশুর সাথে মিলি,
 অঙ্গে আভরণ নাই
 বাকল বসন পরি
 রূপগুলি বেড়াইছে খেলি !
 ওই দূর বনছায়া
 ও যে কি জানেনের মায়া,
 ও যেনরে রেখেছে লুকায়
 সেই স্নিগ্ধ তপোবন
 চিরফুল তরুগণ,
 হরিণ শাবক তরু-ছায়ে !
 হোথায় মালিনী নদী
 বহে যেন নিরবধি
 ঋষিকন্যা কুটিরের মাঝে ।
 কভু বসি তরু তলে
 স্নেহে তারে ভাই বলে,
 ফুলটি ঝরিলে ব্যথা বাজে ।
 কত ছবি মনে আসে,
 পরাণের আশে পুষে
 কল্পনা কত ঘে করে খেলা,

বাতাস লাগারে গারে
ব সিয়া তরুর ছায়ে
কেমনে কাটিয়া যায় বেলা ।

পূর্ণিমায় ।

যাই—যাই—ডুবে যাই—
 আবো—আরো ডুবে যাই—
 বিহ্বল অবশ অচেতন—
 কোন্ খানে, কোন্ দূরে,
 নিশীথের কোন্ মাঝে,
 কোথা হয়ে যাই নিমগন !
 হে ধরণী, পদতলে
 দিও না দিও না বাধা
 দাও মোবে দাও ছেড়ে দাও—
 অনন্ত দিবস নিশি
 এমনি ডুবিতে থাকি
 তোমরা স্বদূবে চলে যাও !—
 এ কবে উদাব জ্যোৎস্না !
 এ কবে গভীর নিশি !
 দিশে দিশে স্তব্ধতা বিস্তারি !
 অঁথি ছুটি মুদে আমি
 কোথা আছি কোথা গেছি
 কিছু যেন বুঝিতে না পারি ।

দেখি দেখি আবে দেখি
 অসীম উদার শূঁছে
 আবে দূবে—আবে দূরে যাই—
 দেখি আজি এ অনন্তে
 আপনা হারায়ে ফেলে
 আব যেন খুঁজিয়া না পাই !—
 তোমরা চাহিয়া থাক
 জোছনা-অমৃত পানে—
 বিহ্বল বিলীন ভাবাগুলি !
 অপাব দিগন্ত ওগো,
 থাক এ মাথার পবে
 তুই দিকে তুই পাখা তুলি ।
 গান নাই কথা নাই
 শব্দ নাই স্পর্শ নাই
 নাই ঘুম নাই জাগরণ !—
 কোথা কিছু নাহি জাগে
 সর্ব্বাঙ্গে জোছনা লাগে
 সর্ব্বাঙ্গ পুলকে অচেতন !
 অসীমে স্রনীলে শূঁতে
 বিশ্ব কোথা ভেসে গেছে
 তারে যেন দেখা নাহি যায়—

নিশীথের মাঝে শুধু
 মহান্ একাকি আমি
 অতলেতে ডুবিরে কোথায় !
 গাও বিশ্ব গাও ভূমি
 সুদূর অদৃশ্য হতে
 গাও তব নাবিকের গান—
 শত লক্ষ যাত্রী লয়ে
 কোথায় যেতেছ ভূমি
 তাই ভাবি মুদিয়া নয়ান !
 অনন্ত রজনী শুধু
 ডুবে যাই নিভে যাই
 মবে যাই অসীম মধুবে,
 বিন্দু হতে বিন্দু হয়ে
 মিশায়ে মিশায়ে যাই
 অনন্তের সুদূর সুদূবে ।

পোড়ে বাড়ি ।

চাবিদিকে কেহ নাই, একা ভাঙ্গা বাড়ি
 সন্ধে বেলা ছাদে ব'সে ডাকিতেছে কা'
 নিবীড় অঁধার, মুখ বাড়ায়ে ব'য়েছে
 যেথা আছে ভাঙ্গা ভাঙ্গা প্রাচীরেব কাঁ'
 পড়েছে সন্ধ্যাব ছায়া অশথের গাছে,
 থেকে থেকে শাখা তাব উঠিছে নড়িয়া
 ভগ্ন শুষ্ক দীর্ঘ এক দেবদারু তরু
 হেলিয়া ভিত্তির পবে বয়েছে পড়িয়া !
 আকাশেতে উঠিয়াছে আধখানি চাঁদ,
 তাকায় চাঁদের পানে গৃহেব অঁধার,
 প্রাঙ্গনে কবিয়া মেলা উর্দ্ধমুখ হ'য়ে
 চন্দ্রালোকে শৃগালেরা কবিছে চীৎকার

শুধাইবে, ওই তোব ঘোব স্তব্ব ঘবে
 কখনো কি হয়েছিল বিবাহ উৎসব ?
 কোন রজনীতে কবে ফুল দীপালোকে
 উঠেছিল প্রমোদের নৃত্যগীত বব ?
 হোথায় কি প্রতিদিন সন্ধ্যা হবে এলে
 তরুণীরা সন্ধ্যাদীপ জ্বালাইয়া দিত ?

মায়ের কোলেতে শুয়ে চাঁদেরে দেখিয়া
 শিশুটি তুলিয়া হাত ধরিতে চাহিত ?
 বালকেরা বেড়াইত কি কোলাহল করি ?
 আঙ্গিনায় খেলিত কি কোন ভাই বোন ?
 মিলে মিশে স্নেহে প্রেমে আনন্দে উল্লাসে
 প্রতি দিবসের কাজ হ'ত সমাপন ?
 কোন্ ঘরে কে ছিল রে ! সে কি মনে আছে ?
 কোথায় হাসিত বধু নরমের হাস,
 বিরহিণী কোন্ ঘরে কোন্ বাতায়নে
 রজনীতে একা বসে ফেলিত নিশ্বাস ?
 যে দিন শিয়রে তোর অশথের গাছ
 নিশীথের বাতাসেতে করে মর মর,
 ভাঙ্গা জানালার কাছে পশে অতি ধীরে
 জাহ্নবীর তবদ্ধের দূর কলস্বর—
 সে রাত্রে কি তাদের আবার পড়ে মনে
 সেই সব ছেলেদের সেই কচি মুখ,
 কত স্নেহময়ী মাতা তরুণ তরুণী
 কত নিমেষের কত ক্ষুদ্র সুখ দুখ ?
 মনে পড়ে সেই সব হাসি আর গান,
 মনে পড়ে—কোথা তাঁরা, সব অবসান ।

অভিমানিনী ।

ও আমার অভিমানী মেয়ে
ও'রে কেউ কিছু বোলো না !
ও আমার কাছে এসেছে,
ও আমার ভাল বেসেছে,
ও'বে কেউ কিছু বোলোনা !

এলোথেলো চুলগুলি ছড়িয়ে
ওই দেখ সে দাঁড়িয়ে রয়েছে ;—
নিমেষ-হাবা আঁখির পাতা দুটি
চোখের জলে ভ'রে এয়েছে !—
গ্রীবাখানি ঈষৎ বাঁকানো
দুটি হাতে মূর্তি আছে চাপি,
ছোট ছোট রান্ধা রান্ধা ঠোঁট
ফুলে ফুলে উঠিতেছে কাঁপি !
সাধিলে ও কথা কবে না,
ডাকিলে ও আসিবে না কাছে ,
ও সবান্ন পবে অভিমান কোরে
আপ্না নিয়ে দাঁড়িয়ে শুধু আছে !

কি হযেছে কি হযেছে বোলে
 বাতাস এসে চুলগুলি দোলায় ;—
 রান্ধা ওই কপোল থানিতে
 রবিব হাসি হেসে চুম খায় !—
 কচি হাতে ফুল ছুথানি ছিল
 বাগ ক'বে ঐ ফেলে দিযেছে,
 পাষেব কাছে প'ড়ে পড়ে তা'বা
 মুখেব পানে চেযে বযেছে ।

আষ বাছা, তুই কোলে ব'সে বন্
 কি কথা তোব বলিবাব আছে,
 অভিমানে বান্ধা মুখখানি
 আন দেখি তুই এ বুকোব কাছে !
 ধীবে ধীবে আধ' আধ' বন্
 কেঁদে কেঁদে ভান্ধা ভান্ধা কথা,
 আমায় যদি না বলিবি তুই
 কে শুনিবে শিশু-প্রাণেব ব্যথা !

নিশীথ জগৎ ।

অগ্নেছি নিশীথে আমি, তারাব আলোকে
ব'সেছি বসিয়া ।

চারিদিকে নিশীথিনী মাঝে মাঝে হুহু কবি
উঠিছে স্বসিঁধ্য ।

পশ্চিমে কবেছে মেঘ, নিবীড় মেঘেব প্রান্তে
ক্ষুবিছে দামিনী,

হুঃস্বপ্ন ভাসিয়া যেন শিহবি মেলিছে অঁথি
চকিত যামিনী ।

অঁধাবে অবগাভূমি নয়ন মুদিয়া
কবিতোছে ধ্যান,

অসীম অঁধার নিশা আপনাব পানে চেয়ে
হাবায়েছে জ্ঞান ।

মাথাব উপব দিয়া উড়িছে বাহুড়
কাঁদিছে পেচক,

একেলা রয়েছি বসি, চেয়ে শূন্যপানে,
না পড়ে পলক ।

অঁধাবেব প্রাণী যত ভূমিতলে হাত দিয়া
যুবিয়া বেড়ায়,

চোখে উড়ে পড়ে ধূলা, কোন্‌খানে কি যে আছে
 দেখিতে না পায় ।
 চরণে বাধিছে বাধা, পাষাণে বাজিছে মাথা,
 কাঁদিছে বদিয়া,
 অগ্নি-হাসি উপহাসি উল্কা-অভিশাপ-শিখা
 পড়িছে খসিয়া ।
 তাদের মাথার পবে দীমাহীন অন্ধকার
 স্তব্ধ বিমানেন্তে,
 অঁধারের ভাবে যেন ছুইয়া পড়িছে মাথা,
 মাটির পানেতে !
 নড়িলে গাছের পাতা চকিতে চমকি উঠে,
 চাষ চাষি ধাবে !
 ঘোব অঁধারের মাঝে কোথা কি লুকায়ে আছে
 কে বলিতে পাবে !

গহন বনের মাঝে চলিয়াছে শিশু
 মা ব হাত ধ'বে,
 মুহূর্ত ছেড়েছে হাত, প'ড়েছে পিছায়ে
 খেলাবার তরে,
 অমনি হাবায়ে পথ কেঁদে ওঠে শিশু
 ডাকে মা মা বোলে,

“আয় মা, আয় মা, আয়, কোথা চলে গেলি,
 মোবে নে মা কোলে !”
 মা অমনি চমকিয়া “বাছা” “বাছা” ব’লে ছোটো,
 দেখিতে না পায়,
 শুধু সেই অন্ধকাবে মা মা ধ্বনি পশে কানে,
 চাবিদিকে চায় ।

সহসা সমুখ দিয়ে কে গেল ছায়াব মত,
 লাগিল ভবাস !
 কে জানে সহসা যেন কোথা কোন্ দিক হতে
 গুনি দীর্ঘশ্বাস !
 কে বসে বয়েছে পাশে ? কে ছুঁইল দেহ মোর
 হিম-হস্তে তাব ?
 ওকি ও ? একি বে গুনি ! কোথা হতে উঠিল, বে
 ঘোব হাহাকাব ?
 ওকি হোথা দেখা যায়—ওই দূবে—অতি দূবে
 ও কিসেব আলো ?
 ওকিও উড়িছে শূন্যে ? দীর্ঘ নিশাচর পাখী ?
 মেঘ কালো কালো ?

এই অঁধাবেব মাঝে কত না অদৃশ্য প্রাণী
 কাঁদিছে বসিয়া,

নীরবে টুটিছে প্রাণ, চাহিছে তারার পানে

অরণ্যে পশিয়া ।

কেহ বা র'য়েছে শুয়ে দগ্ধ হৃদয়ের পরে

স্মৃতির জড়ায়ে,

কেহ না দেখিছে তাবে, অন্ধকারে অশ্রুধারা

পড়িছে গড়ায়ে ।

কেহ বা শুনিছে সাড়া, উর্জকণ্ঠে নাম ধরে

ডাকিছে মরণে,

পশিয়া হৃদয় মাঝে আশার অন্ধুর গুলি

দলিছে চরণে ।

ওদিকে আকাশ পরে মাঝে মাঝে থেকে থেকে

উঠে অট্টহাস !

ঘন ঘন করতালি, উনমাদ কণ্ঠস্বরে

কাপিছে আকাশ !

আলিয়া মশাল আলো নাচিছে গাইছে তারা—

ক্ষণিক উল্লাস !

অঁধার মুহূর্ত্ত তরে হাসে যথা প্রাণপণে

আলোয়ার হাস !

অরণ্যের প্রান্তভাগে নদী এক চলিয়াছে

বাঁকিয়া বাঁকিয়া,

তুচ্ছ জন, শব্দ নাই—ফণী সম ছুঁসি উঠে
 থাকিয়া থাকিয়া !
 অঁধারে চলিতে পাছু দেখিতে না পাষ কিছু
 জলে গিয়া পড়ে,
 মুহূর্ত্তের হাঠকাবে—মুহূর্ত্তে ভাসিয়া যায়
 খর স্রোত ভবে ।
 সখা তাব ভীবে বসি একেলা কাঁদিতে থাকে,
 ডাকে উর্দ্ধশ্বাসে,
 কাহারো না পেয়ে সাড়া শূন্যপ্রাণ প্রতিধ্বনি
 কৈদে ফিবে আসে !

নিশীথেব কালাগাবে কে বেঁধে বেথেছে যোবে
 বগোছ পড়িয়া ।
 কেবল ব যেছি বেঁচে স্বপন কুড়ায়ে ল'য়ে
 ভাপিয়া গড়িয়া !
 অঁধাবে নিজের পানে চেয়ে দেখি, ভাল কবে
 দেখিতে না পাই,
 হৃদয়ে অজানা দেশে পাখী যায় ফুল ফোটে
 পথ জানি নাই !
 অন্ধকাবে আপনাবে দেখিতে না পাই যত
 তত ভালবাসি,

তত তাবে বুকে কোবে বাহতে বাঁধিয়া ল'য়ে

হবষেতে ভাসি ।

তত যেন মনে হয় পাছে বে চলিতে পথে

তৃণ ফুটে পায়,

যতনেব ধন পাছে চমকি কাঁদিয়া ওঠে

কুসুমের ঘাষ ।

সদা হয় অবিশ্বাস কাবেও চিনি না হেথা,

সবি অনুমান,

ভালবেসে কাছে গেলে দূবে চ'লে যায় সব,

ভয়ে কাঁপে প্রাণ ।

গোপনেতে অশ্রু ফেলে, মুছে ফেলে, পাছে কেহ

দেখিবাবে পায়,

মবমের দীর্ঘশ্বাস মবমে কথিয়া বাথে

পাছে শোনা যায় ।

সথাবে কাঁদিয়া বলে—“বড় সাধ যায় সখা,

দেখি ভাল কোবে,

তুই শৈশবেব বঁধু চিবজন্ম কেটে গেল

দেখিছ না তোবে ।

বুঝি তুমি দূবে আছ, একবার কাছে এসে

দেখাও তোমায !”

সে অমনি কৈঁদে বলে—“আপনারে দেখি নাই
কি দেখাব হায়।”

অন্ধকার ভাগ করি, অঁধাবের রাজ্য ল'য়ে
চলিছে বিবাদ,
সথারে বধিছে সখা, সন্তানে হাণিছে পিতা,
ঘোর পরমাদ !
মৃত দেহ পড়ে থাকে, শকুনী বিবাদ কবে
কাছে ঘুবে ঘুবে,
মাংস ল'য়ে টানাটানি কবিতোছে হানাহানি
শৃগালে কুকুবে !
অন্ধকার ভেদ করি অহবহ শুনা যায়,
আকুল বিলাপ,
আহতের আর্তস্বব, হিংসাব উল্লাস ধ্বনি,
ঘোর অভিশাপ।

মাঝে মাঝে থেকে থেকে কোথা হতে ভেসে আসে
ফুলের স্রবাস,
প্রাণ যেন কৈঁদে ওঠে, অশ্রুজলে ভাসে অঁখি
উঠেবে নিঃশ্বাস !
চারিদিক ভূলে যাই, প্রাণে যেন জেগে ওঠে
স্বপন আবেশ,—

কোথারে ফুটেছে ফুল, আঁধারের কোন্‌ ভীরে !
কোথা কোন্‌ দেশ !

রুদ্ধ প্রাণ ক্ষুদ্র প্রাণী, রুদ্ধ প্রাণীদের সাথে
কতরে রহিব !
ছোট ছোট স্তম্ভ জঃম্ভ, ছোট ছোট আশাগুলি
পুষিয়া রাখিব !
নিঃস্রাহীন আঁখি মেলি পূর্ব আকাশ পানে
রয়েছি চাহিয়া,
কবে রে প্রভাত হবে, জানন্দে বিহঙ্গ গুলি
উঠিবে গাহিয়া !

ওই যে পূর্বে হেরি অরুণ-কিরণে সাজে
মেঘ-মরীচিকা ।
না রে না কিছুই নয়—পূর্ব অশানে উঠে
চিতানল-শিখা !

নিশীথ-চেতনা ।

স্তব্ধ বাহুড়ের মত জড়িয়ে অযুত শাখা
 দলে দলে অন্ধকার ঘুমায় মুদিয়া পাখা ।
 মাঝে মাঝে পা টিপিয়া বহিছে নিশীথ বায়,
 গাছে নোড়ে ওঠে পাতা, শব্দটুকু শোনা যায় ।
 আকাশের পানে চেয়ে জাগিয়া বয়েছি বসি,
 মাঝে মাঝে ছয়েকটি তাবা পড়িতেছি খসি !
 ঘুমাইছে পশু পাখী বস্তুক্ষণে অচেতনা,
 শুধু এবে দলে দলে
 অঁধাবেব তলে তলে
 আকাশ কবিয়া পূর্ণ স্বপ্ন করে আনাগোনা !

স্বপ্ন কবে আনাগোনা । কোথা দিখে আসে যায় !
 অঁধার আকাশ মাঝে অঁখি চারিদিকে চায় !
 মনে হয় আসিতেছে শত স্বপ্ন নিশাচরী
 আকাশের পাব হতে, অঁধার ফেলিছে ভরি !
 চারিদিকে ভাসিতেছে
 চারিদিকে হাসিতেছে
 এ উহারে ডাকিতেছে আকাশের পানে চেয়ে,
 বলিতেছে, “আয় বোন, আয় তোরা আয়’ধেরে !”

হাতে হাতে ধরি ধরি
নাচে যত সহচরী,

চমকি ছুটিয়া যায় চপলা মায়ার মেয়ে ।
যেন মোব কাছ দিবে এই তারা গেল চোলে,
কেহবা মাথায় মোব, কেহবা আমার কোলে !
কেহবা মারিছে উঁকি হৃদয় মাঝারে পশি,
অঁখিব পাতাব পবে কেহ বা ছলিছে বসি ।
মাথার উপব দিয়া কেহবা উড়িয়া যায়,
নয়নের পানে মোব কেহবা ফিবিয়া চাষ !
এখনি গুনিব যেন অতি মৃদু পদধ্বনি,
ছোট ছোট নুপুরের অতি মৃদু রণরনি ।
বয়েছি চকিত হয়ে অঁখিব নিমেষ ভুলি—
এখনি দেখিব যেন স্বপ্নমুখী ছায়া গুলি !

অগ্নি স্বপ্ন মোহময়ী, দেখা দাও একবার !
কোথা দিয়ে আসিতেছ,
কোথা দিয়ে চলিতেছ,
কোথা গিয়ে পশিতেছ বড় সাধ দেখিবার !
অঁধার পরাণে পশি সারাবাত করি খেলা,
কোন্ খেনে কোন দেশে পালাও সকাল বেলা ।
অরুণের মুখ দেখে কেন এত হয় লাজ—
সারাদিন কোথা বসে না জানি কি কর কাজ !

যুম্‌যুম্‌ অঁথি মেলি জোমরা স্বপন-বালা,
 নন্দনেব ছাষে বসি শুধু বুঝি গাঁথ মালা।
 শুধু বুঝি শুন্‌ শুন্‌ শুন্‌ শুন্‌ গান কর'—
 আপনাব গান শুনে আপনি যুমাষে পড় !

আজি এই বজ্রনীতে অচেতন চাৰিধাব !
 এই আববণ ঘোর
 ভেদ করি মন মোব,
 স্বপনের বাজ্য মাঝে দাঁড়া দেখি এক বাব।
 নিজ্রাব সাগব জলে
 মহা অঁধাবেব তলে,
 চাৰিদিকে প্রসাবিত এ কি এ নূতন দেশ।
 একত্রে স্ববগ মৰ্ত্ত নাহিক দিকের শেষ।
 কি যে যায় কি যে আসে,
 চাৰি দিকে আশেপাশে ;
 কেহ কাঁদে কেহ হাসে, কেহ থাকে কেহ যায়,
 মিশিতেছে, ফুটিতেছে,
 গড়িতেছে, টুটিতেছে,
 অবিশ্রাম লুকাচুবি—অঁথি না সন্ধান পায়।
 কত আলো কত ছায়া,
 কত আশা, কত মায়া,

কত ভয়, কত শোক, কত কি যে কোলাহল,
কত পশু কত পাখী, কত মানুষের দল !
উপরেতে চেয়ে দেখ কি প্রাণন্ত বিভাবরী,
নিখাস পড়েনা বেন জগৎ রয়েছে মরি !

একবার কর মনে

আঁধারের সঙ্গোপনে

কি গভীর কলবব—চেতনার ছেলেখেলা—
সমস্ত জগত বোপে স্বপনের মহা-মেলা !

মনে মনে ভাবি তাই

এও কি নহেরে তাই,

চৌদিকে যা' কিছু দেখি জাগিয়া সকালবেলা
এও কি নহেরে শুধু চেতনার ছেলেখেলা ।

স্বপ্ন, ভূমি এস কাছে, মোর মুখপানে চাও,
তোমার পাথার পরে মোরে তুলে লয়ে যাও !
হৃদয়ের দ্বারে দ্বারে ভ্রমি মোরা সারানিশি,
প্রাণে প্রাণে খেলাইয়া প্রভাতে যাইব মিশি ।
ওই যে মায়ের কোলে মেয়েটি ঘুমায়ে আছে,
একবার নিয়ে যাও ওদের প্রাণের কাছে—
দেখিব কোমল প্রাণে স্নেহের প্রভাত হাসি
সুধায় ভরিয়৷ প্রাণ কেমনে বেড়ায় ভাসি !

ওই যে প্রেমিক ছুটি কুসুম কাননে শুয়ে,
 সুমাইছে মুখে মুখে চবণে চবণে হুয়ে,
 ওদেব প্রাণেব ছায়ে বসিতে গিয়েছে সাধ—
 মায়া কবি ঘটাইব বিবহের পরমাদ—
 সুমন্ত আঁথিব কোণে দেখা দিবে আঁথি জল,
 বিবহ-বিলাপ গানে ছাইবে মবম তল ।
 সহসা উঠিবে জাগি, চমকি, শিহরি, কাঁপি,
 দ্বিগুণ আদবে পুনঃ বুকতে ধবিবে চাপি ।
 ছোট ছুটি শিশু ভাই সুমাইছে গলাগলি,
 তাদের হৃদয় মাঝে আমবা যাইব চলি ;
 কুসুম-কোমল হিয়া কভুবা তুলিবে ভয়ে,
 রবিব কিবণে কভু হাসিবে আকুল হয়ে ।

আমি যদি হইতাম স্বপন বাসনা-ময় ।
 কত বেশ ধবিতাম—
 কত দেশ ভ্রমিতাম,
 বেড়াতেম সাঁতাবিয়া ঘুমেব সাগরময় ।
 নীবব চন্দ্রমা তারা,
 নীবব আকাশ ধবা,
 আমি শুধু চুপি চুপি ভ্রমিতাম বিশ্বময় ।
 প্রাণে প্রাণে রচিতম কত আশা কত ভয় !

এমন করুণ কথা প্রাণে আসিতাম ক'রে
প্রভাতে পূর্বে চাহি ভাবিত তাহাই লয়ে !

জাগিয়া দেখিতে যা'রে
বুকেতে ধরিত তা'রে
যতনে মুছায়ে দিত ব্যথিতের অশ্রুজল !
মুমূর্ষু প্রেমের প্রাণ পাইত নূতন বল ।

ওরে স্বপ্ন, আমি যদি স্বপন হতেম হার,
যাইতাম তার প্রাণে, যে যোরে ফিরে না চায় !

প্রাণে তার ভ্রমিতাম,
প্রাণে তার গাহিতাম,
প্রাণে তার খেলাতেম অবিরাম নিশি নিশি !
যেমনি প্রভাত হত আলোকে যেতাম মিশি !
দিবসে আমার কাছে কভু সে খোলে না প্রাণ,
শোনে না আমার কথা, বোঝে না আমার গান,
মায়ামন্ত্রে প্রাণ তার গোপনে দিতাম খুলি,
বুঝায়ে দিতেম তারে এই মোর গান গুলি !
পর দিন দিবসেতে যাইতাম কাছে তার,
তা'হলে কি মুখপানে চাহিত না একবার ?

অভিসার ।

(ব্রজভাষা)

মরণেরে,

ভুঁই মম শ্যাম সমান ।

মেঘ ববণ ভুব, মেঘ জটাজুট,

রক্ত কমল কর, বক্ত অধর-পুট,

তাপ-বিমোচন করুণ কোব ভব,

মৃত্যু অমৃত কবে দান !

ভুঁই মম শ্যাম সমান ।

মরণেরে,

শ্যাম তৌহাবই নাম,

চিব বিসরল যব, নিবদয় মাধব

ভুঁই ন ভইবি মোষ বাম !

আকুল রাধা রিক অতি জব জব,

বরই নয়ন দউ অমুখন বর বর,

ভুঁই মম মাধব, ভুঁই মম দোদর

ভুঁই মম তাপ বুচাও,

মরণ তু আওবে আও !

ভুজ পাশে তব লহ সন্মোখি,
 আঁখিপাত মঝ আসব মোদয়ি,
 কোর উপর ভুঝ রোদয়ি রোদয়ি
 নীদ ভরব সব দেহ ।

তুঁহঁ নহি বিসরবি, তুঁহঁ নহি ছোড়বি
 রাধা-হৃদয় তু কবহঁ ন তোড়বি,
 হিয়-হিয় রাখবি অলুদিন অলুখণ
 অতুলন তৌহার লেহ ।

দূর সঙ্গে তুঁহঁ বাঁশি বজ্রাণসি,
 অলুখণ ডাকসি, অলুখণ ডাকসি
 রাধা রাধা রাধা,

দিবস ফুরাওল, অবহঁ ম যাওব,
 বিরহ তাপ তব অবহঁ ষুচাওব,
 কুঞ্জ-বাট পর অবহঁ ম ধাওব
 সব কছু টুটইব বাধা !

গগন সঘন অব, তিমির মগন ভব,
 তড়িত চকিত অতি, ঘোর মেঘ রব,
 শাল তাল তরু সভয় ভবধ সব,

পহু বির্জন অতি ঘোর,
 একলি যাওব ভুঝ অভিসারে,
 যাক পিয়া তুঁহঁ কি ভয় তাহারে,

ভয় বাধা সব অভয় মুরতি ধরি,
 পছ দেখাওব মোর ।
 ভান্ন সিংহ কহে, “ছিয়ে ছিয়ে রাখা
 চঞ্চল হৃদয় তোহাবি,
 মাধব পছ মম, প্রিয় স মরণসে
 অব তুঁহঁ দেখ বিচারি !”
